

DISSERTATIO MEDICA

D E


VARIOLARUM INOCULATIONE.

QUAM Deo-duce & auspice Dei-parâ ,
in augustissimo Ludovicæo Medico
Monspeliensi , tueri conabitur ,

A U C T O R

JOANNES - BAPTISTA PARADE , ex urbe
Petracorensis apud Aquitanos , Artium
magister , & Universitatis Medicæ
Monspeliensis jam-dudum Alumnus ,
mense Januarii anni 1791.

Pro Baccalaureatûs Gradu consequendo.



M O N S P E L I I ,

Ex Typis JOSEPHI-FRANCISCI TOURNEL , Universitatis
Medicinæ Typographi & Bibliopolæ.

M. D C C. X C I.

OPTIMO DILECTISSIMOQUE

P A T R I S U O ,

UNIVERSITATIS MONSPELIENSIS DOCTORI
M É D I C O

*Has Medicinæ primitias , in æternum
v'moris gratitudinisque monumentum ,*

Dicat ; Vover ; Confecrat

Addictissimus obsequentissimusque
filius

J. B. P A R A D E .



DISSERTATIO

M E D I C A

D E

VARIOLARUM INOCULATIONE.

VARIOLÆ gentibus ferocissimorum ferro tyrannorum formidabiliores quartam hominum partem delerent, ni provida sapiensque natura quibus ab hac peste tueri possumus nobis præbuisset media, hæc ad inoculationem pertinent, quam in hac dissertatione exponere nobis animus est. Ut cum

A

ordine faciamus in plurima dividemus capita , 1^o. ætatem magis faventem inoculationi ostendet , 2^o. constitutionem subjecti , 3^o. anni tempestatem , 4^o. præparationem , 5^o. materiam variolosam inferendam , 6^o. operationem , 7^o. denique curationem.

De ætatis tempore.

Infantulos sextum usque ad mensem cum successu inoculamus , illis tunc nutricis mamma fit præparatio. Hac ætate præteritâ , tres vel quatuor annos expectet prudens inoculator ; etenim constat experientia quod ex infantibus quinque sæpius pereunt tres hujus ætatis morbis (1), ut dentium eruptione , diarrrhæa , colicis , convulsionibus &c.

Ætas variolarum insertioni magis favens incipit ab anno tertio vel quarto usque ad tridecimum vel quatuordecimum ; tunc in hac vita gratissima periodo , anima variis non exagitur cupiditatibus , labore , vigiliis , mœrore , non alteratur constitutio , humores dulces , purus sanguis , tunc vis vitæ satis , ut virus variolosum venas aditurum foras expellatur , textus flexior , laxior , ad huic eruptioni favendum magis videtur idoneus. Quamvis pateat ex dictis , ultimam hanc ætatem ad inoculationem aptiorem esse , non arceo proveciorem cum legitima præparatio , tem-

peramenti vitia vel labore , vel libidine , &c. , introducta reficere , vel minuere possit. Aliundè constat experientia feliciorē habuisse successum apud seniores invitā cutis duritiē , invitā & etiā corporis debilitate.

De subjecti constitutione.

Constitutionis quam ætatis ad variolarum infectionis aptissimæ electio non minus est momentosa , quoscumque ad perfectioris sanitatis statum accedentes prudens eligat inoculator , illos v. g. quorum sanguis purus , humores blandi , spiritus suavis , cutis tenuis , quorum facilius ad cicatrificationem tendunt vulnera , alvus fluida , somnus quietus , &c. arceat contra quoscumque morbis laborantes , quos augere vel ad dubium finem ducere possunt variolæ. Attendat tamen ad morbos quos (ut eximiè notavit *Tissot*) sanare potest inoculatio , quales sunt qui à fibris relaxatis , spissato sanguine , frigidâ humorum viscositate pendunt. Visi sunt & etiā inoculatores qui illam operationem optimo cum successu apud scrophulosos , scorbuticos , arthriticos tentavere. Adsunt circumstantiæ ubi subjecti morbo quidem expertes inoculationi veniunt recusandi , quales mulieres gravidæ , filiæ mox nubiles , & utræque si menstruorum immineat eruptio ; tunc enim naturæ duplici labore detenta , operationibus succumbere

posset. Recusandi & etiam quorum corpus augefit maximè ; accretio enim corpus debile evidenter præstat & causis quibuscumque moribificis subiigendis impar reddit (*Grimaud*).

De anni tempestate.

Non consentiunt inter se inoculatores de anni tempestate ad variolarum insertionem aptissima , alii ver & autumnum , alii hiemen volunt , sed constat apud omnes clinicos variolas discretas vel confluentes , nunc cum alia febre maritari , nunc cum altera , & (ait *Hippocrates*) vario modo pro vario anni tempore efflorescere humores.

Ad morbos igitur in variis anni temporibus regnantes cuique attendenti patefient anni tempestates ubi cum successu inoculari potest , nam variolæ periculosæ sunt in ratione complicationis , & variat periculum pro periculo febrium illas concomitantium.

Hieme adulto vel in vere , sub aere frigido & sicco viget diathesis phlogistica , tunc morbi inflammatorii. Cum calor augetur , grandescit æstas , adest calidus & siccus aer , efflorescibilis , quoscumque humores inquinat , tunc morbi biliosi. Versus autumnum pluviae frequentes flat aura calida & humida , tunc effectus putridi , maligni , &c. tandem sub aere frigido & humido ,

qui vel finiente autumno , vel incipiente hieme regnat , partim retinetur perspiratio , morbi vigent pituitosi , catarrhosi , verminosi ; quorum apud infantes , senes , omnes quoscumque debiles periculosa fit complicatio. Ex omnibus quibuscum complicari potest , illius cum febre inflammatoriâ combinatio minus offert periculi. Inde patet duas anni tempestates quibus adest hæc diathesis maxime ad insertionem variolarum idoneas esse. Insuper à veris influxu juxtâ generalem naturæ legem ab (*Hippocrate*) observatam , motus tonici è centro corporis ad peripheriam effugiunt , quod omnibus morbis ab eruptione cutaneâ solvendis favet. Febres gastricæ , quæcumque sit illarum materialis causa , pessimâ indole variolas inducunt , quia motus vitales ad stomachum , visceraque interiora determinando , obstant variolarum prospero labori qui in cute præcipuè absolvi debet.

Attamen prosperis quos habuerunt successibus inoculatores , probatum remanet nullam esse nec temporis , nec ætatis , epidemiâ variolosâ lethiferâ regnante , rationem habendam , cum ut aiunt , inoculatione tantum illæ cædes sunt refruendæ. Hoc credo variolas infertas præcipuum habere bonum , quod per eas venenum per cutem insinuatur , & rectâ viâ sanguinem adit , vitatâ mixtione sive bilis , sive aliorum humorum , excrementorumque in alvi viis redundantium. Si verò

naturâ communicatur variolosa lues , primis viis , & stomacho præsertim summoperè nocere valet , niscerique cum diversis humoribus gastrici systematis. (*Grimaud*) Illud scilicet in epidemicis insertioni favere potest , quod nostros ad textum cellularem tunc affectum humores ab operatione determinando , à partibus internis illos revocet , si naturæ viâ eodem tempore infectæ fuissent , quæ tunc viam in textu cellulari haberet paratam.

De præparatione.

Præparatio ad variolarum insertionem ad hoc (ut plurimum) dirigitur , ut reducatur subiectum ad statum perfectioris sanitatis quoad fieri potest. Haud multi ad hunc accedentes non solum utilis , sed necessaria ferè semper erit. Quidquam certi stabilire videtur impossibile , propter morborum diversitates quibus vel æstas , vel diathesis , vel sexu , vel temperamentum favent , quæ omnia semper sub oculis debet habere medicus , ut quem sibi proponit finem adipiscatur ; nam vel debilis , & delicatior , vel fortis & robustior inoculandus adest (*Gandoger*) primi numerosissimi , restaurante , & corroborante egent diæta quæ gradatim vires augendo illas ad hoc adducat ut crism sustineant ; illos inter repono infantes , qui prætereà stomachum viscosis saburris gravatum ob digestivorum organorum debilitatem gerentes , levibus purgantibus ,

anthelmenticis , (si vermium suspitioni locus) indigent. Secundis fortioribus , robustioribus paulatim hic vis vitæ excessus auferendus , qui sæpè foret nocivus ; (*Gandoger*) rigida fibra flexibilis reddenda , textus cutis durioris ficcioris laxandus , omnia denique quibus ad statum insertioni maximè faventem adduci possunt , media veniunt adhibenda ad diathesim vigentem semper attendens , phlogisticam antiphlogisticis , biliosam antibiliosis , &c. impugnare tentabit. Si inoculatus quibusdam vitiis laboret , ante insertionem specificis repellantur.

De materie variolosâ inferendâ.

Indiscriminatim apud naturalibus , vel insertis variolis , discretis , vel confluentibus laborantes detrahi potest pus variolosum , cùm confluentes discretas , discretæ confluentes quotidie producere videantur. Experientia quidem certum habemus non nullos cum pure deprompto à subjectis quibusdam vitiis tentatis absque infectione fuisse inoculatos ; prudens tamen apud variolis discretis detentos & eucratos pus eliciat. De puris qualitate dissentiunt auctores , illi pus ferosum , recens , isti pus elaboratum , crassum expostulant. Pus ferosum majori activitate donatum , pure maturo majorem cit inflammationem ; peritus inde medicus casus ubi inflammatio utilis vel damna bene dignoscens , istud vel illud pro necessitate adhibebit.

De operatione.

Omnes inter methodos ad virus variolosum sanguinem introducendum adhibitas , punctura minora affert incommoda , itaque generatim ab omnibus inoculatoribus est complexa. Vulgò futioniana inventoris nomine vocatur ; modo sequenti peragitur ; scalpelli apex in pustulâ variolosâ vel ingossipii lanugine pure recenti imbutâ (2) mergitur , dein cum eodem scalpelli apice , pure varioloso tincto in brachii loco ubi aperiuntur cauteria pungitur. Punctura sub cuticulâ salva cute penetrans fiat obliquè ut ter quater-ve scalpellum undequaque movendo , cutem inter & cuticulam pus maneat variolosum , comprimatur & etiam cuticula post egressum scalpellum , ut cum cute jungatur. Quæ per sex vel septem primos dies obveniunt symptomata parti affectæ propria sunt , primam ex quatuor quas regulares inoculatæ variolæ percurrunt periodum efformant. Secundâ operationis die in loco puncturæ macula levis pulicis morsuræ haud absimilis cernitur ; tertiâ die extenditur macula , & per levem tactui offert asperitatem ; quartâ inflatur puncturâ vesicæ formam induit , quidam sentitur pruritus , levi inflammatione via tentatur vulneris ; omnes quintâ die augescunt mutationes ; sextâ rigiditas dolor sub axillis præsertim cum vi quadam movetur brachium ; pars puncta oculo lentis ope veram offert pustulam cujus centrum est punctura , & multis sæpius parvulis papulis circumdata variolosis ; septimâ die hæc varia apparent signa , &

oculo nudo fiunt sensibilia. Hic finis primæ periodi, hic initium secundæ invasione febris notatum. Symptomata generaliora quæ illam concomitantur sunt tumor, & decoloratio faciei, anxietas generalis, profunda tristitia, capitis gravedines, lumborum & extremitatum dolores, multa alia symptomata quæ præcipuè secundâ die febris apparent, & quæ pro diversitate constitutionis, ætatis, sexus, &c. variantia, effugiunt vel per, vel post papularum eruptionem, quæ tertiam facit periodum; deniquè venit quarta & ultima, sub illâ fit pustularum suppuratio & desiccatio, febris quam secundariam vocant accendi potest si papulis numerosissimis tentetur inoculatus, quod rarius in inoculatione.

In variolarum insertarum periodis adesse possunt varias irregularitates, quæ medicum ancipitem metu percutere possunt; induas classes dividendæ veniunt, scilicet: in variolas veras vel non recidivas, & in variolas spurias vel recidivas. Priores sunt, quæ vel lento, vel celeri cursu; attamen rectè quatuor stadia decurrunt: quæ erysipelatis ritu erumpunt: quæ sola eruptione sive localia, sive generali gaudentes, febre stipantur: quæ inexpletè suppurant, aut diu per vulnuscula artificialia. Posteriores sunt, quæ omni effectû defraudantur: quæ aliquid morbosum tantum in partibus incisis, nihil verò in totâ corporis habitudine offerunt: quæ vulnusculum artificiale inflammatione, & eruptione generali absentibus, febre eruptivâ gau-

dent : quæ etiamſi vulnuſcula artificiaalia inflam-
mentur , etiamſi febris adſit eruptione carent.

*De ratione medendi quæ apud inoculatos
ſervanda eſt.*

Ad variolarum curationem adhibenda remedia debent eſſe ſimpliciſſima , cùm nullo terribili ſti-
pentur ſymptomate (3) per morbi curſum legitimâ
diætâ , cibis diluentibus , levibus refrigerantibus
utatur inoculatus ; alimenta ei convenientia ſunt
cremores orizæ vel avenæ , juſcula , &c. fructus
maturi , vel crudi , vel cocti dentur ei pro potu
aſſueto , refrigeranti , diluentia , mucilaginofa , aqua
v. g. hordei aqua pura , vel cum lacte mixta ,
ſaccharo edulcorata , &c. ſi alvus ſtrictior eſt , levis
tamarindi , vel prunorum decoctio , aut ſalia neutra
præſcribenda ſunt. Liquores ſpirituofi , omnes po-
tiones fermentatæ arceantur.

Pluribus ac ante operationem veſtimentis non
cooperiatur inoculatus , cubiculum ubi aër conti-
nuò renovatur habitet (4) nam præter damnum
aëris mephitici in cubiculo clauſo , & calefacto ,
miasmata varioloſa quæ continuò ab ægri corpore
effugiunt , ab illo deglutita , & reſpirata morbi
pericula poſſunt augere inoculatum quam maximè
poterunt à lectulo arcentes omnes in hoc repo-
nent curas parentes , ut ambulet , ſaltet , ſuæ

ætatis voluptates captans , morbi & etiam fiat
immemor. hujusce opusculi errorum immemores
patres conscripti , huic-ce dissertationi indulgeatis ,
non gloria desiderio , sed necessitate , sed officio
coactus , illam peragere tentavi.

F I N I S.

N O T E S.

(1) Tabulam de vitæ probabilitate in eximio opere celeberrimi de *Buffon* allatam.

(2) Pus recens & pus diutius efferatum activitati valdè diversa gaudere, nullus est qui non percipiat.

(3) Nisi fiat cum aliis morbis implicatio & ni quædam ex aberrationibus mox à me memoratis variolas in decursu perturbent, tum pro ratione morborum aberrationumque varia veniunt usurpanda remedia, multoque severius regimen ægro præscribendum.

(4) Neque tamen Anglico mori sine cautelâ indulgendum: caveamus præsertim ab immani borea, gelidisque potionibus, nam debiliora, tenerioraque nostra cæderentur temperamenta; aër verò moderatè frigidus, gratèque frigida pocula mihi videtur palmam præripere.



ARGUMENTABUNTUR

ILLUSTRISSIMI PROFESSORES REGII.

D. PAULUS-JOSEPHUS BARTHEZ,

Universitatis Cancellarius.

D. GASPARDUS-JOANNES RENÉ, *Decanus.*

D. ANTONIUS GOUAN, *Pro-Decanus.*

D. FRANCISCUS BROUSSONET.

D. FRANCISCUS VIGAROUS.

D. HENRICUS-LUDOVICUS BRUN.

D. HENRICUS FOUQUET.

D.

AND THE

THE

THE

THE

THE

THE

THE

THE

THE

THE

THE